



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-127-4/22**
Datum: **26.04.2022. godine**

«Agencija za vodno područje rijeke Save» rješavajući po zahtjevu pravnog lica, «POBJEDA» d.d. Tešanj, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta pogona Fabrike pumpi i prečištača u Poslovnoj zoni Bukva, općina Tešanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH» br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu, «POBJEDA» d.d. Tešanj za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta pogona Fabrike pumpi i prečištača u Poslovnoj zoni Bukva, općina Tešanj locirane na zemljištu označenom kao k.č. 132/1, 132/2, 558/2, 558/4, 560/1, 560/2, 560/3, 560/4, 560/8, 560/9, 560/10, 560/11, 560/12, 560/13, 560/14, 560/15, 560/16 i 560/17 K.O. Tešanj I, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta Fabrike vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se oborinske onečišćene vode sa radnih platoa, parking i manipulativnih površina nesmetano sakupljaju sistemom slivnika i kanalizacione mreže i odvođe do uređaja na tretman tj do instalirana tri separatora ulja i masti sa krajnjim ispustom prečišćenih voda u oborinsku kanalizacionu mrežu a potom u rijeku Tešanjku.
 - 2.3. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u krajnji recipijent – rijeka Tešanjka, ostanu u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje otpadnih voda (separatori ulja i masti, slivne rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti te izdvojenom talogu iz istih.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na tri mjerna mjesta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
 - 2.7. Talog/mulj iz separatora kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotoke i na njegove obale.

- 2.8. Investitor je obavezan, u skladu sa propisima iz oblasti zaštite okoliša, vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu do konačnog zbrinjavanja od strane ovlaštene organizacije (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Skladištenje otpadnih ulja, zauljenih krpa i emulzija vršiti u namjenski izgrađenom natkrivenom prostoru sa vodonepropusnom podlogom. Redovno voditi evidenciju o uskladištenom otpadu.
- 2.9. Opasne materije kao ni čvrsti opasni i neopasni otpad se ne smije ni privremeno odlagati na česticu «vodno dobro», odnosno u vodotoke ili na njegove obale.
- 2.10. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Na osnovu utvrđenog stepena zagađenja ispuštenih otpadnih voda izraženog preko broja EBS –a (ispitivanje urađeno od strane ovlaštene laboratorije) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), vlasnik, odnosno korisnik objekta je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom proizvodnom kompleksu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «POBJEDA» d.d. Tešanj, obratilo se ovoj Agenciji dana 09.03.2022. godine sa zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta pogona Fabrike pumpi i prečištača u Poslovnoj zoni Bukva, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-22-000305 izdatog dana 23.03.2022. godine od strane Općinskog suda u Zenici,
- Ovjerena kopija uvjerenja o registraciji poreznog obveznika izdatog dana 20.06.2019. godine od strane Porezne uprave Federacije BiH - Kantonalni porezni ured Zenica,
- Kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-3963-2/19 izdatog dana 01.07.2019. godine od strane Uprave za indirektno-neizravno oporezivanje Banja Luka,

- Kopija obavještenja o razvrstavanju pravnog lica prema klasifikaciji djelatnosti broj: 07-32.5-85818/19 izdato dana 20.06.2019. godine od strane Službe za statistiku za područje Zeničko-dobojskog kantona,
- Kopija Rješenja o upotrebi građevine (izgradnja i rekonstrukcija sistema za odvodnju i tretman otpadnih voda iz radnog kruga broj: 12-23-6504/14 izdatog dana 28.11.2018. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-706-4/16 izdatog 11.04.2017. godine od strane «Agencije za vodno područje rijeke Save» Sarajevo,
- Ovjerena kopija Rješenja o okolišnoj dozvoli broj: UPI 05/2-02-19-5-33/21 SN izdatog dana 19.08.2021. od strane Federalnog ministarstva okoliša i turizma,
- Kopija Ugovora o čišćenju separatora zaključenog dana 07.04.2021. godine sa «EKO SERVIS» d.o.o. Tešanj,
- Kopije radnih naloga za čišćenje separatora za dan 13.04.2021. godine i 20.04.2022. godine od strane ovlaštene firme «EKO servis» d.o.o. Tešanj,
- Kopija transportnog lista firme «EKO servis» d.o.o. Tešanj broj: 10/22 od 28.01.2022. godine za odvoz emulzije i broj: 36/21 od 12.05.2021. godine za odvoz čvrstog otpada,
- Kopija Ugovora o zbrinjavanju opasnog otpada broj: 5695/16 zaključen dana 29.12.2016. godine na neodređeno vrijeme sa firmom «FORTIN» d.o.o. Tešanj (prilog-račun broj: 357/22 o preuzimanju otpadne čelične špene),
- Kopija Izvještaja o rezultatima ispitivanja tereta zagađenja otpadnih voda preduzeća «POBJEDA» d.d. Tešanj izraženog preko EBS-a, septembar 2021. godine,
- Kopije izvještaja o monitoringu kvaliteta i kvantiteta otpadnih voda kompleksa fabrike «POBJEDA» d.d. Tešanj broj: 1100/21 – juni 2021. godine; broj: 1812/21 - decembar 2021. godine urađenih od strane «Inspekt - RGH» d.o.o. Sarajevo,
- Glavni projekat odvodnje i tretmana otpadnih voda iz radnog kruga «POBJEDA» d.d. Tešanj, urađen decembra 2011. godine od strane Rudarsko-geološko-građevinskog fakulteta u Tuzli - na uvid,
- Kopija Rješenja broj: UP1-14-25-2-07869/2018-1403-2018-1403-2 izdatog dana 20.11.2018. godine od strane Vodne inspekcije Federalne uprave za inspekcijske poslove (prilog: Zapisnik od 22.11.2017. godine i 13.11.2018. godine),
- Dopis broj: 2416/18 upućen dana 14.12.2018. godine Vodnoj inspekciji,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog pogona u Poslovnoj zoni Bukva u Tešanju te je sačinjen zapisnik o izvršenom uviđaju broj: UP-1/21-3-40-127-3/22 od 21.04.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Fabrika za proizvodnju pumpi i prečištača izgrađena je u Poslovnoj zoni Bukva u Tešnju. Osnovni proizvodni program preduzeća su pumpe za ulje i vodu teretnih vozila i setovi rezervnih dijelova pumpi. Dopunski proizvodni program čine: pumpe za ulje i vodu putničkih vozila, hidraulične pumpe, elementi kočionih sistema, dijelovi pumpi, traktora i drugih transportnih uređaja, klizni prstenasti zaptivači, zupčanci, komplet prečištača ulja. Godišnji kapacitet proizvodnje pumpi iznosi oko 220.000 komada.

Proizvodni proces obuhvata obradu metala (tokarenje, glodanje i brušenje), termičku i površinsku obradu metala (elektrohemijsku). U procesu proizvodnje ne nastaju procesne tehnološke otpadne vode. Oborinske onečišćene vode koje nastaju spiranjem radnih i manipulativnih površina kompleksa Fabrike prikupljaju se zasebnim sistemom kanalizacije i odvođe na tretman u tri separatora ulja i masti. Prečišćene vode se preko okna za monitoring ispuštaju u oborinsku kanalizaciju industrijske zone sa krajnjim ispuštanjem u rijeku Tešanjku. Kompletna odvodnja zauljenih oborinskih voda urađena je u skladu sa projektnom dokumentacijom za koju je ova Agencija donijela Rješenje o vodnoj saglasnosti broj: UP-I/25-2-40-125-2/12 od 26.03.2012. godine.

Čišćenje separatora se vrši prema ugovoru od strane firme «EKO servis» d.o.o. Tešanj - priloženi radni nalozi za čišćenje separatora od 13.04.2021. godine i 20.04.2022. godine.

Za pranje metalnih dijelova kao i za hlađenje mašina koristi se emulzija. Sve mašine su postavljene u metalne tankvane, kako bi se spriječilo rasipanje emulzije. Metalni otpad i špena prikupljaju se u namjenski kontejner a zatim prodaje trećim licima. Stara emulzija kao i ona koja se ocijedi sa špene i metalnog otpada te zauljeni otpad skladište se u betonskim bačvama u natkrivenom prostoru do preuzimanja od strane ovlaštene firme (prilog - transportni list firme «EKO servis» d.o.o. Tešanj broj: 10/22 za odvoz emulzije od 28.01.2022. godine i broj: 26/21 za odvoz zauljenog otpada od 12.05.2021. godine).

Monitoring otpadnih voda se vrši redovno na tri mjerna mjesta. Na uvid su dostavljeni Izvještaji o monitoringu kvaliteta otpadnih voda, juni i decembar 2021. godine urađeni od strane «Inspekt - RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Prema dostavljenom Izvještaju o rezultatima ispitivanja tereta zagađenja otpadnih voda izraženog preko EBS-a, urađenom u augustu 2021. godine, utvrđen je ukupan teret zagađenja otpadnih voda izražen kao ekvivalentni broj stanovnika: EBS=2.129,10 ES-a.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-127-2/22 od 31.03.2022. godine.

Konstatuje se da je podnosilac zahtjeva, «POBJEDA» d.d. Tešanj, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda sa lokaliteta pogona Fabrike pumpi i prečištača u Poslovnoj zoni Bukva, općina Tešanj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata

Hara Ališehović, dipl.ing.građ.

Dostaviti:

- «POBJEDA» d.d. Tešanj
Bukva bb, 74260 Tešanj
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava